
РИШТОНДА НАВБАТДАГИ ПРЕСС-ТУР ВА МАТБУОТ АНЖУМАНИ ЎТКАЗИЛДИ

Бугун 2021 йил 8 ноябрь куни АОКА директори ва вилоят ҳоқими томонидан тасдиқланган режа-графикка асосан Риштон туманида навбатдаги пресс-тур ва матбуот анжумани ўтказилди. Мазкур тадбирда вилоятда фаолият юритаётган ОАВ вакиллари, журналистлар ва блогерлар иштирок этишди.

Пресс-тур қатнашчилари даставвал Марказ МФЙда кўп қаватли уйлардан иборат бўлган “Тўқимачи” мавзесида бўлишди. Бугун ушбу ҳудуд чинакам бунёдкорлик майдонига айланган. “Марказ” МФЙда 17 та тўрт қаватли уйлар қурилиши режалаштирилган бўлиб, бугунги кунга қадар уларнинг 4 таси фойдаланишга топширилиб, қолган уйларнинг сўнгги қурилиш ишлари давом этмоқда. Яқин кунларда мавзенинг тантанали очилиш маросими ўтказилиши режалаштирилган.

Шундан кейин пресс-тур қатнашчилари М. Топволдиев маҳалла фуқаролар йиғинида жойлашган “Русўзбектекс” хорижий корхонасига қошида ташкил этилаётган туқимачилик фабрикасининг қурилиш жараёнлари билан танишишди. 1100 ишчи ўринга мўлжалланган ушбу фабрикада тайёр маҳсулотлар момик сочиқ, чойшаб, ип калава ишлаб чиқариш режалаштирилган. Ушбу лойиҳа қиммати 37,5 млн АҚШ долларга тенг. Корхона қурилиши 2021-2022 йилларга мўлжалланган.

- Фабрика Хитой технологиялари билан жиҳозланади. Унда сочиқ, чойшаб каби маҳсулотлар ишлаб чиқарилади. Натижада 1100 нафар ишсиз фуқароларнинг бандлиги таъминланади, - дейди “Русўзбектекс” хорижий корхонаси раҳбари Магомед Костоев.

Пресс-тур иштирокчиларининг сўнгги манзили - Риштон тумани Тўраобод МФЙда фаолият юритаётган ёш тадбиркор Саидахмад Акбаров томонидан ташкил этилган STAR MAX электроскутерларни йиғиш цехида бўлишди.

Саноат, ИТ технологиялар ривожланиши билан экологияга зарар етказмайдиган, хавфсиз ва арзон транспорт воситалари ҳаётимизга кириб келмоқда. Риштон йўлларида ҳам ихчам, кўркам электромopedлар пайдо бўлди. Экологик жиҳатдан беэиён, бошқаришга қулай мазкур уловнинг таркибий қисмлари Хитойдан келтирилиб, Риштондаги “Start-Max” масъулияти чекланган жамиятида фойдаланишга тайёр ҳолда сотувга чиқарилмоқда.

Мини, классик, хай-тек каби тўққиз хилдаги электромopedларнинг бугун вилоят бўйича бозори чаққон. 100 нафар ишчининг қўли-қўлига тегмайди. Ҳозиргача ана шундай электромopedларнинг 1000 га яқини савдога чиқарилган.

- Риштонда кулолчилик ривожланган. Деярли ҳар бир оиланинг кулолчилик буюмларини савдо дўконларига сифатли ва тез етказиб беришда мана бундай электромopedларга эҳтиёжи бор, - дейди корхона раҳбари Саидахмад Акбаров. - Қулайлиги шундаки, 3 минг сўмлик электр токи билан 70-80 километр масофани босиб ўтиш мумкин. Икки кишига мўлжалланган электромopedлар люк, вентилятор, магнитофон билан жиҳозланган бўлиб, ҳайдовчига енгиллик яратади. Нархи аккумуляторининг сонига қараб 12 миллиондан 20 миллионгача бориши мумкин.

Шундан сўнг, Риштон тумани ҳоқими ўринбосарлари иштирокида матбуот анжумани бўлиб ўтди. ОАВ вакиллари, журналист ва блогерлар ўзларини қизиқтирган саволларга жавоб олдилар.

2021-11-08 15:42:20